

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA TATU**

**KIKAO CHA AROBAINI NA SITA**

**20 JUNI, 2016**



# ORODHA YA SHUGHULI ZA LEO

## MKUTANO WA TATU

KIKAO CHA AROBAINI NA SITA – 20 JUNI, 2016

### I. MASWALI:

#### OFISI YA RAIS (TAMISEMI):

#### 389. MHESHIMIWA VICTOR KILASILE MWAMBALASWA (CHUNYA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kituo cha Afya Chunya kilipandishwa hadhi kuwa Hospitali ya Wilaya mwaka 2008 lakini kuna tatizo la ukosefu wa chumba cha kuhifadha maiti:-

Je, ni lini Serikali italitua tatizo hilo.

#### 390. MHESHIMIWA ABDUL AZIZI ABOOD (MOROGORO MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Rufaa ya Mkoa wa Morogoro ina tatizo kubwa la msongamano katika wodi ya akinamama ambao wamekuwa wakilala zaidi ya wawili kwenye kitanda kimoja:-

(a) Je, ni lini Serikali itaongeza wodi ya Wazazi katika Hospitali ya Rufaa ya Mkoa wa Morogoro;

(b) Je, kwa nini Serikali isiboreshe baadhi ya Zahanati kama Mafiga Sabasaba ili kuwa na uwezo wa kupokea kinamama wajawazito kujifungua na kupunguza msongamano katika Hospitali ya Rufaa ya Morogoro.

**391. MHESHIMIWA HUSSEIN MOHAMMED BASHE (NZEGA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Mji wa Nzega haina shule hata moja ya Kidato cha tano na sita na hivyo kuwafanya wanafunzi wengi kulazimika kwenda kusoma nje ya mji wa Nzega; lakini Mbunge kwa jitihada zake amejenga vyumba viwili pamoja na bweni katika shule ya Sekondari Bulende kwa ajili ya kidato cha tano na sita:-

(a) Je, Serikali ipo tayari kuanzisha masomo kwa kidato cha tano kuanzia mwaka huu wa 2016;

(b) Je, ni lini Serikali itajenga vyumba vya madarasa ya kidato cha tano na sita katika Shule ya Sekondari Chief Itinginya ili angalau kuwe na shule mbili za kidato cha tano na sita.

## **WIZARA YA NISHATI NA MADINI:**

### **392. MHESHIMIWA WILLY QULWI QAMBALO (KARATU):**

Atamuuliza Mheshimiwa Waziri wa Nishati na Madini:- Pamoja na kuwa katika Kata ya Qurus zipo Ofisi na Kituo cha TANESCO, Vijiji vingi vya Kata hiyo vikiwemo Gongali, Qurus, Qorongaida, Genda na G/Lambo havijafikiwa na umeme na vichache vyenye umeme, kiwango cha usambazaji ni kidogo sana:-

Je, ni lini Serikali itawapatia wananchi wa Kata hiyo huduma hiyo muhimu.

## **WIZARA YA ARDHI, NYUMBA NA MAENDELEO YA MAKAZI:**

### **393. MHESHIMIWA SHABANI OMARI SHEKILINDI (LUSHOTO):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Wilaya ya Lushoto ni miongoni mwa Wilaya kubwa na kongwe nchini, na ina takribani watu laki tatu lakini haina Mahakama ya Ardhi hivyo Wananchi hufuata huduma hiyo Wilaya ya Korogwe licha ya kwamba majengo tunayo:-

Je, ni lini Serikali itaanzisha Mahakama hiyo katika Wilaya ya Lushoto ili kuwapunguzia adha Wananchi wake wanaofuata huduma hiyo Wilayani Korogwe.

**WIZARA YA MAJI NA UMWAGILIAJI:**

**394. MHESHIMIWA HASSAN ELIAS MASALA (NACHINGWEA):**

Atamuuliza Mheshimiwa Waziri wa Maji na Umwagiliaji:-

Je, Serikali ina mpango gani wa kusambaza maji ya mradi wa Mbwinji kwenye Vijiji vyote vinavyozunguka mradi huo.

**395. MHESHIMIWA DANIEL NICODEMUS NSANZUGWANKO (KASULU MJINI):**

Atamuuliza Mheshimiwa Waziri wa Maji na Umwagiliaji:- Mji wa Kasulu ni Mji wa siku nyingi sana tangu enzi za Wajerumani lakini hauna mtandao wa maji unaokidhi mahitaji ya wakazi wa Mji huo:-

- (a) Je, ni lini Serikali itakarabati vyanzo vya maji vilivyopo ili maji yafike katika mitaa ya Kata za Mrusi, Mwilavya na Kidyama;
- (b) Je, ni kwa nini Serikali haitoi fedha ili kujenga Tenki la kusafisha maji kwa sababu maji yaliyopo ni machafu;
- (c) Je, ni kwa nini Serikali haitoi pesa ili chanzo kingine kipya kilichoainishwa kijengwe.

**WIZARA YA MALIASILI NA UTALII:**

**396. MHESHIMIWA BALOZI ADADI MOHAMED RAJAB (MUHEZA):**

Atamuuliza Mheshimiwa Waziri wa Maliasili na Utalii:- Wakulima 1128 wa Msitu wa Derema Kata ya Amani – Muheza wamekuwa wakilalamika kwa muda mrefu kupunjwa fidia ya mimea yao kutoka TSh.28,800/= hadi 3,315/= kwa shina moja:-

- (a) Je, ni lini wakulima hao watalipwa stahiki zao;
- (b) Je, kwa nini kwenye malipo hayo Serikali isijumuishe fidia ya ardhi yao.

**WIZARA YA AFYA, MAENDELEO YA JAMII, JINSIA,  
WAZEE NA WATOTO:**

**397. MHESHIMIWA ZAINABU MUSSA BAKAR  
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Vitendo vya ukatili na udhalilishaji wa kijinsia unaendelea kushamiri Tanzania hususani Mikoa ya Dar es Salaam, Pwani na Visiwa vya Zanzibar, watoto wengi wanakataa shule kutokana na udhalilishaji huo. Aidha, wengi wao wanaogopa kunyanyapaliwa ama kuona haya au aibu juu ya vitendo wanavyofanyiwa watoto wa kiume na wa kike:-

- (a) Je, Serikali ina mikakati gani kuhakikisha suala hilo linapungua au linaondoka kabisa;
- (b) Je, Serikali ya Tanzania ikishirikiana na Serikali ya Zanzibar inawasaidiaje watoto hawa ili waendeleo na masomo bila kunyanyapaliwa;
- (c) Je, Serikali haioni kuwa hawatendewi haki watoto hawa kwa kuonekana watuhumiwa nje wakati wamewavunjia utu na maisha yao kwa kisingizio ushahidi haujakamilika.

**398. MHESHIMIWA HALIMA ALI MOHAMMED  
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Serikali imedhamiria kupunguza vifo vya akina mama wajawazito na watoto wachanga wakati wa kujifungua:-

Je, Serikali ina mkakati gani wa kufanikisha dhamira hiyo.

**II. HOJA ZA SERIKALI:**

**WAZIRI WA FEDHA NA MIPANGO:**

Kwamba, Bunge likubali kujadili Hali ya Uchumi wa Taifa kwa Mwaka 2015 na Mpango wa Maendeleo wa Taifa kwa Mwaka wa Fedha 2016/2017.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2016/2017.

***(Majadiliano yanaendelea)***



### **III. MISWADA YA SHERIA YA SERIKALI:**

***(Kusomwa Kwa Hatua zake zote)***

Muswada wa Sheria ya Kuidhinisha Matumizi ya Serikali wa Mwaka 2016 – (*The Appropriation Bill, 2016*).

**DODOMA  
20 JUNI, 2016**

**DKT. T. D. KASHILILAH  
KATIBU WA BUNGE**

